

金  
石  
萃  
編

金石萃編卷一百二

賜進士出身 誥授光祿大夫刑部右侍郎加七級王昶撰

唐六十二

景教流行中國碑

碑高四尺七寸五分廣三尺五寸三十二行行六十二字正書在西安府

景教流行中國碑頌并序

大秦寺僧景淨述

朝議郎前行台州司士叅軍呂秀巖書

粵若常然真寂先先而无履窅然靈虛後後而妙有總  
攝握而造化妙衆聖以元尊者其唯 我三一妙身

无量真主阿羅訶歎判十字以定四方鼓震風而生二  
氣暗空易而天地開日月運而晝夜作匠成万物然立  
初人別賜良和令鎮化海渾元之性虛而不盈素蕩之  
心本無希嗜泊乎娑殫施妄鈿飾純精開平大於此是  
之中隙冥同於彼非之內是以三百六十五種屬隨織  
轍竟織法羅或指物以託宗或空有以淪二或禱祀以  
邀福或伐善以矯人智慮營營恩情役役茫然無得煎  
迫轉燒積昧亡途久迷休復於是 我三一分身景  
尊弥施訶哉隱真威同人出代神天宣慶室女誕聖於  
大秦景宿告祥波斯觀耀以來貢圓廿四聖有說之舊

法理家國於大猷設 三一淨風無言之新教陶良用  
於正信制八境之度鍊塵成真啟三常之門開生滅死  
懸景日以破暗府魔妄於是乎悉摧棹慈航以登明宮  
含靈於是乎既濟能事斯畢亭午昇真經畱廿七部張  
體化以發靈開法浴水風滌浮華而潔虛白印持口字  
融四照以合無拘擊木震仁惠之音東禮趣生榮之路  
存鬚所以有外行削頂所以無內情不畜臧獲均貴賤  
於人不聚貨財示罄遺於我齋以伏識而成戒以靜愼  
爲固七時禮讚大庇存亡七日一薦洗心反素真常之  
道妙而難名功用昭彰強稱景教惟道非聖不歸聖非

道不大道聖符契天下文明

太宗文皇帝光華啓

運明聖臨人大秦國有上德曰阿羅本占青雲而載真

經望風律以馳艱險貞觀九祀至於長安帝使宰臣

房公廉齡總仗西郊賓迎入內翻經書殿問道禁闕深

知正真特令傳授貞觀十有二年秋七月詔曰道無常

名聖無常體隨方設教密濟羣生大秦國大德阿羅本

遠將經像來獻上京詳其教旨靈妙無爲觀其顯宗生

成立要詞無繁說理有忘筌濟物利人宜行天下所司

卽於京義寧坊造大秦寺一所度僧廿一人宗周德寧

青鸞西昇巨唐道光景風東扇旋令有司將帝寫真

轉摸寺壁天姿汎彩英朗景門聖迹騰祥永輝法界案  
西域圖記及漢魏史策大秦國南統珊瑚之海北極衆  
寶之山西望仙境花林東接長風弱水其上出火纁布  
返窺香明月珠夜光璧俗無殺盜人有樂康法非景不  
行主非德不立土宇廣闊文物昌明 高宗大帝克

恭纘祖潤色真宗而於諸州各置景寺仍崇阿羅本爲  
鎮國大法主法流十道國富元休寺滿百城家殷景福  
聖曆年釋子用壯騰口於東周先天末下士大笑訕謗  
於西鎬有若僧首羅含大德及烈並金方貴緒物外高  
僧共振靈綱俱維絕紐 靈宗至道皇帝令寧國等

五王親臨福宇建立壇場法棟暫撓而更崇道石時傾  
而復正天寶初令大將軍高力士送 五聖寫真寺

內安置賜絹百疋奉慶睿圖龍髯雖遠弓劍可攀日角  
舒光天顏咫尺三載大秦國有僧倍和瞻星向化望日  
朝尊詔僧羅含僧普論等一七人與大德倍和於興慶  
宮修功德於是天題寺榜額戴龍書寶裝璣翠灼煉丹  
霞睿扎宏空騰淩激日寵資比南山峻極沛澤與東海  
齊深道無不可所可名聖無不作所作可述 肅

宗文明皇帝於靈武等五郡重立景寺元善資而福祚  
開大慶臨而皇業建 代宗文武皇帝恢張聖運從

事無爲每於降誕之辰錫天香以告成功頒御饌以光  
景衆且軋以美利故能廣生聖以體靈故能亨毒

我建中聖神文武皇帝披八政以黜陟幽明闡九疇以  
惟新景命化通輿理祝無愧心至於方大而虛寧靜而  
恕廣慈救衆苦善貸被羣生者我修行之大漸汲引之  
階漸也若使風雨時天下靜人能理物能情存能昌歿  
能樂念生響應情發目誠者我景力能事之功用也大  
施主金紫光祿大夫同朔方節度副使試殿中監賜紫  
袈裟僧伊斯和好惠聞道勤行遠自王舍之城聿來  
中夏術高三代藝博十全始効節於丹庭乃策名於王



帳中書令汾陽郡王郭公子儀初總戎於朔方也

肅宗俾之從邁雖見親於卧內不自異於行閒爲公爪  
牙作軍耳自能散祿賜不積於家獻臨恩之頗黎布辭  
懸之金網或仍其舊寺或重廣法堂崇飾廊宇如翬斯  
飛更効景門依仁施利每歲集四寺僧徒虔事精供備  
諸五旬餽者來而飭之寒者來而衣之病者療而起之  
死者葬而安之清節達娑未聞斯美白衣景士今見其  
人願刻洪碑以揚休烈詞曰 真主无疆湛寂常然擁  
輿匠化起地立天分身出代救度無邊日昇暗滅成證  
真應 赫赫文皇道冠前王乘時撥亂軋廓坤張明

明景教言歸我唐翻經建寺存歿舟航百福偕作萬邦  
之康 高宗纂祖更築精宇和宮敞明遍滿中土真

道宣明式封法主人有樂康物無灾苦 肅宗啓聖

克修真正御勝揚輝天書蔚映皇圖璀璨率土高敬庶  
績咸熙人賴其慶 肅宗來復天威引駕聖日舒晶

祥風掃夜祚歸皇室祓氛永謝止沸定塵造我區夏

代宗孝義德合天地開貸生成物資美利香以報功

以作施場谷來威月窟畢萃 建中統極聿修明

德武肅四溟文清萬域燭臨人隱鏡觀物色六合昭蘇

百蠻取則道惟廣兮應惟密強名言兮演三一 主

能作方臣能述建豐碑方頌元吉

大唐建中二年歲在作噩太族月七日大耀森文日  
建立 時法主僧寧恕知東方之景衆也

右碑下及東西二面皆列彼國字式下有助檢校試  
太常卿賜紫袈裟寺主僧業剎檢校建立碑石僧行  
通雜于字中字皆左轉弗能譯也按碑三一妙身元  
元真主阿羅訶者教之主也大秦國上德阿羅本者  
于貞觀九年至長安也京兆府義寧坊建大秦寺度  
僧廿一人貞觀十有二年也此卽天主教始入中國  
自唐至今其教徧天下矣予讀西域傳拂菻古大秦

國居西海上去京師四萬里與扶南交趾五天竺相  
貿易開元盛時西戎冒萬里而至者百餘國輒貢經  
典迎入內翻經殿遂使異方之教行于中國然惟建  
寺可以度僧計當時寺五千三百五十八僧七萬五  
千二十四尼五萬五百七十六凡兩京度僧尼御史  
一人蒞之僧尼出踰宿者立案止民家不過三宿九  
年不還者編諸籍甚嚴也今天下寺不常建而僧尼  
遂至無筭何耶

金石錄補

今在西安城西金勝寺內明崇禎間西安守晉陵鄒  
靜長先生有幼子曰化生生而雋慧甫能行便解作

合掌禮佛二六時中略無疲懈居無何而病微瞑笑  
視翛然長逝下葬於長安崇仁寺之南掘數尺得一  
石乃景教流行碑也此碑沉埋千年而今始出質之  
三世因緣此兒其淨頭陀再來耶則佳城之待沈彬  
開門之俟陽明此語爲不誣矣見頻陽劉雨化集中  
字完好無一損者下截及末多作佛經番字

來齋金石刻考

大秦卽梨軒說文作麗軒漢書西域傳所稱梨軒條  
支臨西海者是也後漢書云以在海西故亦云海西  
國水經注恒水又逕波麗國是佛外祖國也法顯曰

恒水東到多摩黎軒國卽是海口釋氏西域記曰大  
秦一名黎軒道元據此蓋以黎軒爲卽波麗矣攷條  
支卽波斯國魏書云地在忸密之西東去黎軒猶一  
萬里長安志義寧坊有波斯寺唐貞觀十二年太宗  
爲大秦國胡僧阿羅斯立應是大秦僧人入中國之  
始合之碑則云于義寧坊造大秦寺兩國所奉之教  
略同故寺名通用耶阿羅斯碑作阿羅本當是斂求  
之誤

關中金  
石記

右景教流行中國碑景教者西域大秦國人所立教  
也舒元興重岩寺碑襍夷而來者有摩尼焉大秦焉

秋疑沃

神焉合天下三夷寺不足當吾釋氏一小邑

之數今摩尼祇神祠久廢不知所自獨此碑叙景教

傳授頗詳蓋始於唐初大秦僧阿羅本攜經像至長

安太宗詔所司於義寧坊造寺一所度僧廿一人高

宗時崇阿羅本爲鎮國大法主仍令諸州各置景寺

其僧皆削頂畱鬚七時禮讚七日一薦所奉之像則

三一妙身无元真主阿羅訶也今歐羅巴奉天主耶

蘇朔其生年當隋開皇之世或云卽大秦遺教未審

然否後題大族月七日大耀森文日建立所云大耀

森文亦彼教中語火貌布卽火浣布也

潘研堂金石文跋尾

萬歷間長安民鋤地得唐建中二年景教碑士大夫  
習西學者相矜謂有唐之世其教已流行中國問何  
以爲景教而不知也按宋敏求長安志義寧坊街東  
之北波斯胡寺貞觀十二年太宗爲大秦國胡僧阿  
羅斯立又云醴泉坊之東舊波斯寺儀鳳二年波斯  
三卑路斯請建波斯寺神龍中宗楚客占爲宅移寺  
于布政坊西南隅祆祠之西冊府元龜天寶四載九  
月詔曰波斯經教出自大秦傳習而來久行中國爰  
初建寺因以爲名將以示人必循其本其兩京波斯  
寺宜改爲大秦寺天下諸州郡宜准此此大秦寺建



立之緣起也碑云大秦國有上德曰阿羅本貞觀九  
祀至于長安十二年秋七月于京師義寧坊建大秦  
寺阿羅本卽阿羅斯也寺初名波斯儀鳳中尚仍舊  
名天寶四載方改名大秦碑言貞觀中詔賜名大秦  
寺夷僧之誇詞也舒元興重巖寺碑云合天下三夷  
寺不足當吾釋寺一小邑之數釋寺唯一夷寺有三  
摩尼卽末尼也大秦卽景教也祆神卽波斯也今據  
元輿記而詳考之長安誌曰布政司西南隅胡祆祠  
武德四年立西域胡天神也祠有薩寶府官主祠祆  
神亦以胡祝稱其職東京記引四夷朝貢圖云康國

有神名祆畢國有火祆祠疑因是建廟王溥唐會要

云波斯國西與吐蕃康居接西北拒佛蘇秦即大秦也其俗

事天地日月水火諸神西域諸胡事火祆者皆詣波

斯受法故曰波斯教即火祆也宋人姚寬曰火祆字

從天胡神也經所謂摩醯首羅本起大波斯國號蘇

魯支有弟子名元真居波斯國大總長如火山後化

行于中國然祆神專主事火而寬以爲摩醯首羅者

以波斯之教事天地水火之總故諸胡皆詣受教不

專一法也大秦之教本不出于波斯及阿羅訶者出

則自別于諸胡碑言三百六十五種之中或空有以

淪二或禱祀以邀福彼不欲過而問焉初假波斯之名以入長安後乃改名以立異地志稱默德那爲回回祖國其教以事天爲本經有三十藏凡三千六百餘卷西洋諸國皆宗之今碑云三百六十五種肩隨結轍豈非回回祖國之三十藏與若末尼則志磐統紀序之獨詳開元二十年敕云末尼本是邪見妄稱佛法旣爲西胡師法其徒自行不須科罰大歷六年回紇請荆楊等州置摩尼寺其徒白衣白冠會昌三年秋敕京城女末尼凡七十二人皆死梁貞明六年陳州末尼反立母乙爲天子發兵禽斬之其徒不茹

董酒夜聚娼穢畫魔王踞坐佛爲洗足云佛上大乘  
我乃上上乘蓋末尼爲白雲白蓮之流于三種中爲  
最劣矣以元興三夷寺之例覈而斷之三夷寺皆外  
道也皆邪教也所謂景教流行者則夷僧之黠者稍  
通文字膏脣拭舌妄爲之詞而非果有異于摩尼祇

神也

錢氏景  
教考

右錢氏景教考曰大秦曰回回曰末尼大秦則范蔚  
宗已爲立傳末尼因回回以入中國獨回回之教種  
族蔓衍士大夫且有慕而從之者其在唐時史固稱  
其創邸第佛祠或伏甲其間數出中涓橋與軍人格

鬪奪含光門魚契走城外而摩尼至京師歲往來西  
市商賈頗與囊橐爲姦李文饒亦稱其挾邪作蠱浸  
淫宇內則其可絕者匪特非我族類而已作景教續

考

回回之先卽默德那國國王穆罕默德

四譯館考作諱

罕德

生而靈異臣服西域諸國尊爲別詣援爾華言

天使也而天方古史稱阿丹奉真宰明諭定分定制  
傳及後世千餘載後洪水泛濫有大聖努海受命治  
世使其徒衆四方治水因有人焉此去阿丹降世之  
初蓋二千餘歲後世之習清真之教者乃更衍其說  
曰阿丹傳施師師傳努海海傳易卜刺欣欣傳易司

馬儀儀傳母撒撒傳達五德德傳爾撒爾撒不得其  
傳六百年而後穆罕默德生命曰哈聽猶言封印云  
按唐之回紇卽今之回回回紇之先爲匈奴元魏時  
號高車或曰勒勒曰鐵勒其見於魏收李延壽宋祁  
之史班班可攷異端之徒創爲荒忽幽怪之談以欺  
世而眩俗如天方古史云云者其尤可軒渠者也又  
言園中有佛經三十藏自阿丹至爾撒凡得百十有  
四部如討刺特降與母撒之經名則逋爾降與達五德之經名引支納  
降與爾撒之經名皆經之最大者自穆罕默德按經六千六  
百六十六章名曰甫爾加尼此外爲今清真所誦習

者又有古爾阿尼之寶命真經特福西爾噶最之噶  
最真經特福西爾咱吸堤之咱希德真經特福西爾  
白索義爾之大觀真經密邇索德之道行推原經勒  
瓦一合之昭微經特卜綏爾之大觀經侏儻昧任不  
可窮詰而其繇在四驛館者回回特爲八館之首問  
之則云書兼篆楷草西洋若土魯番天方撒爾兒罕  
占城日本真臘瓜哇滿刺加諸國皆用之夫篆楷草  
爲吾中國書法之次第其徒特借以神其誕幻而顧  
倒道而行迂道而說以爲得天之明諭噫是何其無  
忌憚之甚也今以其教之在中國者而考之隋開皇

中國人撒哈八撒阿的幹思葛始以其教來故明初

用回回歷其法亦起自開皇至唐元和初回紇再朝

獻始以摩尼至其法曰晏食飲水茹葷屏滷酪

見新唐書

回紇傳

二年正月庚子請於河南府太原府置摩尼寺

許之

見舊唐書憲宗紀

明洪武時大將入燕都得秘藏之書

數十百冊稱乾方先聖之書中國無解其文者太祖

勅翰林編修馬沙亦黑馬哈麻譯之而回回之教遂

盤互於中土而不可復遺矣至於天方則古筠沖地

舊名天堂又名西域其國本與回回爲鄰明宣德間

乃始入貢而今之清真禮拜寺遂合而一之念禮齋



課朝五之類月無虛夕異言奇服招搖過市而恬然  
不以爲怪其亦可謂不齒之民也已

道古堂文集

按此碑原委景教考言之已詳潛研跋謂今歐邏  
巴奉天主耶穌或云卽大秦遺教据碑有判十字  
以定四方之語今天主教常舉手作十字與碑言  
似合然 日下舊聞考載天主堂構于西洋利瑪  
竇自歐邏巴航海九萬里入中國崇奉天主云云  
歐邏巴在極西北須從海中大西洋迤西而南經  
小西洋大南洋抵占城瓊島泊交廣以達中土有  
九萬里之遠也若大秦國以 本朝職方會覽四

舜圖說諸書攷之大秦一名如德亞今稱西多尔  
在歐邏巴南雖陸路可通而甚遠遠似不能合爲  
一也杭氏續考專論回回之教其說亦詳然謂唐  
之回紇卽今之回回說亦未然唐之回紇卽回鶻  
其地與薛延陀爲鄰距長安祇七千里若回回有  
祖國以今職方諸書攷之在古大秦國之東一名  
伯尔西亞今稱包社大白頭番與回紇隔遠亦不  
能合爲一也碑稱大秦國上德阿羅本兩唐書西  
域傳所載諸國惟拂菻一名大秦然無一語及景  
教入中國之事唐會要稱波斯國西北距拂菻

蘇則波斯在拂菻之東南故長安志所載大秦寺其初謂之波斯寺玩天寶四載詔書波斯經教出自大秦則所謂景教者實自波斯而溯其源於大秦也唐書西域傳波斯距京師萬五千里其法祠祇神與唐會要語同然亦無所謂景教者祇神字當从示从夭讀呼煙切與从夭者別說文云關中謂夭爲祇廣韻云胡神所謂關中者統西域而言西北諸國事夭最敬故君長謂之夭可汗山謂之天山而神謂之祇神延及歐邏巴奉教謂之夭主皆以夭該之唐傳載波斯國俗似與今回回相同

此碑稱常然真寂戢隱真威亭午昇真真常之道  
占青雲而載真經舉真字不一而足今所建回回  
堂謂之禮拜寺又謂之真教寺似乎今回回之教  
未始不源于景教然其中自有同異特以彼教難  
通未能剖析姑備錄諸說以資博攷至碑稱景教  
景字之義文中只二語云景宿告群懸景日以破  
暗府是與景星景光臨照之義相符然則唐避諱  
而以景代丙亦此義歟

不空和尚碑

碑高八尺三寸五分廣四尺一寸八分  
二十四行行四十八字正書在西安府

唐大興善寺故大德大辯正廣智三藏和尚碑銘序

銀青光祿大夫御史大夫上柱國馮翊縣開國公嚴

郢撰

銀青光祿大夫彭王傅上柱國會稽縣開國公徐浩  
書

和尚諱不空西域人也氏族不聞於中夏故不書

睿宗口知至道特見高印訖

肅宗

代宗三朝皆爲灌頂國師以聖言德祥開

右

至尊

代口初以特進大鴻

廬褒表之及示疾不起又就臥內加開府儀同三司肅

國公皆半讓不允特錫法号曰大廣智三藏大德口口  
夏六月癸未減度於京師大興善寺

代宗

爲口癡朝三日贈司空追諡大辯正廣智三藏和尚茶  
毗之時口遣中謁者齋

祝文祖祭申如在

之敬

睿詞口切嘉薦令芳禮冠羣倫舉無

與比明年九月

口以舍利起塔於舊居寺

院和尚性聰明博貫前佛萬法要指緇門獨立邈盪盪  
其無雙稽夫真言字義之憲度灌頂升壇之軌迹即時  
成佛之速應聲儲祉之妙天麗且弥地普而深固非末  
學口能詳也敢以概見序其大歸昔金剛薩埵親於毗

清遠那佛前受瑜伽最上乘義後數百歲傳於龍猛菩薩龍猛又數百歲口於龍智阿闍梨龍智傳金剛智阿闍梨金剛智東來傳於和尚和尚又西遊天竺師子等國詣龍智阿闍梨揚擢十八會法口化相承自毗盧遮那如來馳於和尚凡六葉矣每齋戒畱中道迎善氣登禮皆答福應較然温樹不言莫可記已西域隘巷口爲奔突以慈眼視之不旋踵而爲伏不起南海半渡天吳鼓駭以定力對之未移晷而海靜無浪其生也母氏有毫光照燭之瑞其歿也精舍有池水竭涸之異凡僧夏五十享年七十自成童至于晚暮常飾共具坐道場浴

蘭焚香入佛知見五十餘年晨夜寒暑未曾須臾有傾  
搖懈倦之色過人絕遠乃如是者後學升堂誦說有法  
者非一而沙門惠明受次補之記得傳燈之旨繼明佛  
日紹六爲七至矣哉於戲法子未懷梁木將紀本行託  
余勒崇昔承微言今見几杖光容眇漠壇宇清愴簪書  
昭銘口子何讓銘曰

嗚呼大士右我

三宗道爲

帝師秩爲儀

同昔在廣成軒口順風歲逾三千復有肅公瑜伽上乘  
眞語密契六葉授受傳燈相繼述者昧之爛然有第陸  
伏狂爲水息天吳慈心制暴慧口降愚寂然感通其可



測乎兩楹夢奠雙樹變色司空寵終辨正旌德 天

使祖祭

宸衷悽惻

詔起寶塔舊口之隅

下藏舍利上飾行屠跡殊生滅法離有無刻石爲偈傳  
之大都

建中二年歲次辛酉十一月乙卯朔十五日巳巳建

右唐不空碑自明皇以後職官不勝其濫下至佛氏

老子之徒亦皆享高爵祿故不空始爲特進大鴻臚

封之蕭國公旣歿又贈司空嗚呼名器之輕一至於

此昔舜命伯禹作司空異於是矣

金石錄

舊唐書王績傳曰初代宗喜祠祀未甚重佛而元載

杜鴻漸與縉喜飯僧徒代宗嘗問以福業報應事載  
等因而啟奏代宗由是奉之過當嘗令僧百餘人於  
官中陳設佛像經行念誦謂之內道場其飲膳之厚  
窮極珍異出入乘廐馬度支具廩給每西蕃入寇必  
令羣僧講誦仁王經以禳爾寇苟幸其退則橫加錫  
賜胡僧不空官至卿監封國公通籍禁中勢移公卿  
爭權擅威自相凌奪凡京畿之豐田美利多歸於寺  
觀吏不能制僧徒雖有藏姦蓄亂敗戮相繼而代宗  
信心不易乃詔天下官吏不得筆曳僧尼又見縉等  
施財立寺窮極瓌麗每對揚啟沃必以業果爲證以

爲國家慶祚靈長皆福報所資業力已定雖小有患  
難不足道也故祿山史思明毒亂方熾而皆有子禍  
僕固懷恩將亂而死西戎犯關未擊而退此皆非人  
力所能制也帝信之愈甚公卿大臣旣推以業報則  
人事棄而不修故大歷刑政日以陵遲有由然也五  
臺山有金閣寺鑄銅爲瓦塗金於上照耀山谷計錢  
巨億萬緡爲宰相給中書符牒令臺山僧數十人分  
行郡縣聚徒講說以求貨利代宗七月望日於內道  
場造盂蘭盆飾以金翠所費百萬又設高祖以下七  
聖神座備幡節龍傘衣裳之制各書尊號於幡上以

識之昇出內陳於寺觀是日排儀仗百寮序立於光  
順門以俟之幡花鼓舞迎呼道路歲以爲常其傷教  
之源始於縉也史傳所言佞佛之弊至切故具錄之  
按此碑不空以一胡僧而官至特進大鴻臚開府儀  
同三司肅國公遂爲後代沙門授官之祖吁亦異矣  
冊府元龜載不空贈官詔曰大道之行同合於異  
相王者至理總歸於正法方化成之齊致何儒釋之  
殊塗故前代帝王罔不崇信法教宏闡與時偕行特  
進試鴻臚卿大興善寺三藏沙門大廣智不空我之  
祖師人之舟楫超詣三學坐離於見聞修持萬行常

示於化滅執律捨縛護戒爲儀繼明善教之志來受人王之請朕在先朝早聞道要及當付囑常所歸依每每執經內殿開法前席凭几同膠序之禮順風比崆峒之問而妙音圓演密行內持待扣如流自涯皆悟滌除昏妄調伏魔冤天人洗心於度門龍鬼受職於神印固以氣消災厲福致吉祥當有命秩用申優禮而得師爲盛味道滋浹思復強名載明前志夫妙界有莊嚴之士內品有果地之儀本乎尚德敬順時典可開府儀同三司仍封肅國公贈司空諡曰大辨正廣智不空三藏和尚 又言大歷三年二月興善

寺不空三藏上言因修寺塔下見古槩得一小棺長尺餘發視有十餘重棺皆金寶裝飾中有舍利骨及佛髮一條每棺一鎖規製妙絕有殷仲文題贊其說近怪仲文爲桓元侍中領左衛將軍安帝反正出爲東陽太守未至關中不可以欺里巷之儒而代宗乃寤寶輿具威儀迎入內道場奉之何哉 洪邁容齋三筆曰自唐代宗以胡僧不空爲鴻臚卿開府儀同三司其後習以爲常至本朝尙爾元豐三年詳定官制所言譯經僧官有授試光祿鴻臚卿少卿者請自今試卿者改賜三藏大法師試少卿者賜三藏法師

詔試卿改賜六字法師少卿四字竝冠以譯經三藏

久之復罷

金石文  
字記

不空得總持門靈異甚多故不獨伏象澄海數事如  
值大旱京兆尹蕭昕請致雨空咒畫龍投曲江白龍  
尺許振鱗出水亘天昕鞭馬疾驅奔及十步暴雨驟  
至此至永崇里已決渠矣元宗嘗召術士羅公遠同  
至便殿校功力殿石瑩滑師借遠如意遽激空羅再  
三取之不得上起不空曰三郎勿取此影耳因舉手  
示羅如意又西蕃寇西涼詔不空入誦仁王密語神  
兵見於殿庭西涼果奏東北雲霧中見神兵鼓噪蕃

部有金色鼠皆咋絕弓弦城劫幻光明天王怒睨蕃  
帥六奔帝敕諸道城樓置天王像此其始也又邛山  
有蛇頭若邱陵見不空乞度遂欲陷河雒決所居不  
空授戒說法且曰昔以瞋深受此苦報今復忿恨吾  
力何及當思吾言此身自捨旬月遂死澗中不空多  
秘密法當時甚著碑荒落不稱余所見尙多遺忘故  
少爲筆削附載于此

史金石

碑中斷裂首題銀青光祿大夫御史大夫上柱國馮  
口縣開國公嚴郢撰銀青光祿大夫彭王傅上柱國  
會稽口開國公徐浩書新唐書郢本傳盧杞引郢爲



御史大夫其階與勳爵皆未及浩本傳德宗初召授

彭王傅

神道碑云皇上登寶位徵拜彭王傅

而階銀青亦未之及會稽

下缺字於時進封郡公當爲郡字也

投堂金石殿

顏魯公書朱巨川告身

告身二道表本高一尺二寸橫廣與行數俱不計字大小多寡亦不等告正書鄧文原等三致俱行書

尙書吏部

起居舍人試知

制誥朱巨川

開元五年李懷慶告身始稱制誥家上儀大類  
漢家制誥雖合經考武帝上儀與此同  
唐中任右補闕內供奉制誥等事  
考表表大羅古夏月一日及今正月五日制  
若無所制誥者則其表表亦不在此

右 壹 人 擬 朝 議 郎

正陸品上行起居

舍人試知

制誥

尙書左僕射闕

闕府簡言饗後射知事上莊園臣希遠

光祿大夫吏部尚書王簡恭節國食其卿

朝議郎權知吏部侍郎賜緋魚袋 說

正議大夫吏部侍郎 未上

銀青光祿大夫行尙書左丞

朝議大夫行尙書左丞王簡恭節國食其卿

朝議郎權知吏部侍郎賜緋魚袋臣說等言謹件朱巨川王密關播  
良輔獨孤弼等伍人擬階如右謹以申聞謹奏

建中元年八月廿二日朝議郎守尚書吏部郎中賜緋魚袋臣王定上  
朝議大夫守給事中臣崔容謹

銀青光祿大夫守門下侍郎同平章事上柱國臣楊炎省

侍中

聞押

告朝議郎行起居舍  
人試知制誥朱巨川  
計奏被

旨 如 右 符 到 奉 行

主事 意

郎中 定

令史

書令史

建 中 元 年 八 月 日 下

右建中元年告身

勅典掌王言潤色鴻業必資純懿之行以彰課最之績  
久更其職用得其才朝議郎行尚書司勳員外郎知制  
誥朱巨川學綜墳史文含風雅貞廉可以勵俗通敏可  
以成務自司綸翰屢變星霜酌而不竭時謂無對今六

官是總百度惟貞才識兼求亦其稱職膺茲獎拔是用  
正名光我禁垣實在斯舉可守中書舍人散官如故

建中三年八月十四日

太尉兼中書令臣在使元

勳森矣守中書侍郎中書門下平章事臣張使

勳官朝議郎守給事中賜緋魚袋臣關播奉行

通直官朝議郎守給事中賜緋魚袋臣關播奉行

奉

勅如右牒到奉行

建中三年六月十五日

侍 中 闕

銀青光祿大夫守門下侍郎平章事

正議大夫行給事中審

月 日 時 節 事

左 司 郎 中

吏 部 尚 書 闕

正議大夫權判吏部侍郎范陽郡開國公 翰

吏 部 侍 郎 闕

尚 書 左 丞 闕

告 朝 議 郎 守 中 書 舍

金石錄卷一百一  
人朱巨川奉

勅如右符到奉行

主事怡

判郎中滋

令史侯朝

書令史

建中三年六月十六日下

右建中三年告身

唐告多出善書者之手亦足以見一代文物之盛矧  
魯公道義風節師表百世其所書尤可寶也至大辛  
亥仲春廿又二日古渚鄧文原書

右顏魯公書朱巨川告卽宣和書譜所載者上有高宗乾卦紹興圖書而魯公之書蓋東坡先生已嘗論之矣不惟愛翫抑見唐代典故之式尤爲可尙龍集辛亥仲秋朔喬贊成題

此唐德宗建中三年六月給授中書舍人朱巨川告身符年月職名之上用尙書吏部告身之印計二十九顆世傳爲顏魯公書按唐式書符令史事也代宗之喪魯公以吏部尙書爲禮儀使楊炎惡其直換太子少師領使事及盧杞益不容改太子太師併使罷之是時適在間局而其忠義書法巍然爲天下望巨



川欲重其事時求公書亦如今世士大夫得請誥勅  
封贈多求善書者操筆同一意也米元章書史載朱  
巨川告顏書其孫灌圖持入秀州崇德邑中余以金  
梭易之劉涇得余顏告背紙上有五分墨裝爲秘玩  
王詵篤好顏書遂以韓馬易去此書今在王詵處宣  
和書譜載顏書亦有朱巨川告今卷中並無宣和印  
記獨存梁太祖御前之印前後壓縫有宋高宗乾卦  
紹興印耳豈舊藏御府靖康之亂散落人間南渡收  
訪應募者截去本朝璽跋邪然五代時既入御府則  
宋時不應在灌園處豈王詵所得乃別本邪不可得

而知矣此卷作字雖小而與東方朔贊用筆同其爲  
顏書無疑告中細書不知出何人唐制惟侍中中書  
令爲真宰相其曰同中書門下平章事雖行宰相事  
而未爲真中書以後藩鎮節使多授中書令故勅後  
細書首行云太尉兼中書令臣在使完是年四月盧  
杞忌張鎰出之鳳翔故第二行云守中書侍郎同中  
書門下平章事臣張使其第三行云守給事中臣關  
播奉行杞愛播和柔易制是年十月卽同平章事矣  
牒後細書首行云侍中關第二行云守門下侍郎同  
平章事杞卽盧杞也又吏部正員尙書一人侍郎二

人其屬有四曰吏部司封司勳考功吏部郎中一人  
掌文官階品朝集祿賜告身尚書左右丞各一人掌  
辨六官吏戶禮左丞總焉兵刑工右丞總焉故牒尾  
尚書侍郎左丞俱云缺而云判吏部侍郎范陽郡開  
國公翰者盧翰也後此二年爲興元元年正月亦進  
同平章事符後書云判郎中滋者劉滋也貞元二年  
正月遂從吏部爲左散騎常侍末後書令史不名益  
可驗此告非令史筆矣一展閱間而唐之典故歷歷  
可考且魯公書得其背紙墨跡尙裝爲秘玩况真跡  
邪宜何如其寶愛之也正德丁丑五月望日陸完跋

按告身之制通典載唐法選集而試書判既試而  
銓身言已銓而注擬先簡僕射乃上門下省給事  
中讀之黃門侍郎省之侍中審之然後上聞主者  
受旨而奉行焉各給以符而印其上謂之告身今  
驗建中元年告身內有吏部郎中王定上字給事  
中崔容讀字門下侍郎同平章事楊炎省字侍中  
闕當有某人審字此行之次有聞字次有被旨奉  
行字皆與通典合朱巨川于建中元年官行起居  
舍人三年守中書舍人而告並階朝議郎唐六典  
朝議郎正六品上起居舍人從六品上中書舍人

正五品上凡階卑擬高曰守階高擬卑曰行巨川  
在元年階朝議郎而官行起居舍人以正六品上  
階擬從六品上官是階高擬卑也故曰行至三年  
仍階朝議郎而官守中書舍人以正六品上階擬  
正五品上官是階卑擬高也故曰守階官皆與六  
典合兩告中惟三年勅典掌王言云云是顏書其  
元年告列真卿行吏部尙書銜名三年告不列蓋  
已在間局矣元年告凡數目字作壹貳等字而年  
月皆作一二三是元宗先天時詔改之制也唐書百  
官志王言之制七二曰制書大涂授用之四曰發

勅授六品以上用之制有詞勅無詞此二告元年者無詞授六品以上也三年者雖亦六品以上而仍謂之勅雖曰勅而有詞殆中書舍人之官異于常格歟朱巨川兩唐書無傳元年告銜名有尚書左僕射知省事希逸者卽侯希逸也舊唐書傳希逸平盧人寶應元年討平史朝義加檢校工部尚書私覲去職大歷十一年起復檢校尚書右僕射上柱國封淮陽郡王永泰元年因與巫者夜宿于城外軍士乃閉之不納希逸奔歸朝廷拜檢校右僕射久之加知省事新傳則云夜與巫家野次李

正己閉關不內遂奔滑州召還檢校尚書右僕射  
知省事兩傳不同据此告希逸列銜是左僕射非  
右僕射在建中元年非末泰元年且末泰紀元在  
寶應廣德之後大歷之前非大歷後舊傳誤

顏魯公奉使帖

石高五尺一寸四分廣二尺三寸五分分作三截上  
截書十一行行七字下截像中截跋十二行行十四  
字並行書唐重跋  
正書在同州府學

真卿奉命來此事期未竟止緣忠勤無有旋意然中心  
悵悵始終不改游于波濤宜得斯報千百年間察真卿  
心者見此一事知我是行亦足達於時命耳

人心無路見

時事只天知

觀此筆蹟不顯歲月以事實攷之蓋使李希烈時也  
希烈以建中元年陷汝州盧杞建議遣公奉使至正  
元元年八月丙戌公不幸遇害困蹟賊庭者逾二年  
刃加於頸而色不變度無還期誓不易節蓋書此以  
自表云重旣摹公之像於蒲繪而祠之又訪得此石  
本狀良老矣公以乾元元年自同徙蒲至奉使時垂  
三十年氣節不衰而狀良非昔也乃刻石而寘之祠  
室俾觀者有考焉



靖康元年七月壬申朝散郎秘閣修撰知同州軍州  
事唐重書

魯公行書奉命來此事期未竟止緣忠勤無有旋意

又作二語云人心無路見時事只天知宋刻同州下

有公小像不知原刻在何處

石墨  
鑄華

公使逆藩逼以偽相羈囚憤懣甘死待日內無可屈  
之志前無可任之途循省身世思憶君國千愁萬緒  
莫從告語寄之此圖申以數語用示後人卽遙訣君  
父痛哉未嘗不百拜展卷淚淫淫承睫下也坐令逆  
徒兇焰頓化叙崇則此象此字之傳固人心天理之

不容表亦造物之呵護引延留爲血氣之類置榜樣也夫上可以格之天下可以威逆賊及數百世之人之遠而一堂之近平生合姓之忠義不足以信之君而破奸相之謀公何遇之不幸也然丁此遇而後完大節于八十之年公卽無心以自表暴而天若有以就之又何恨乎

墨林  
快事

右顏魯公像并奉使蔡州書在同州府宋靖康元年七月祕閣修撰知同州唐重所刻題云重旣摹公之像於蒲繪而祠之又訪得此石本狀負老矣公以乾元元年自同徙蒲至奉使時垂三十年節氣不衰而

狀良非昔也乃刻石寘之祠室俾觀者有攷焉案魯  
公以貞元元年乙丑爲李希烈所害時年七十六則  
乾元元年戊戌年止四十九故二像鬚眉不無壯老  
之別重字聖任眉州彭山人建炎初以天章閣直學  
士知京兆府與金人戰城陷死之蓋忠義得之性成  
宜其有慕於魯公也

潛研堂金石文政尾

案魯公以興元元年奉使貞元元年八月廿四日死  
難唐書本紀以爲八月丙戌獨行狀以爲興元元年  
者非 重字聖任自署爲朝散郎秘閣修撰知同州  
單州事攷重以右諫議大夫疏斬蔡京父子遷中書

舍人言宰相當先補外爲宰相所惡落職知同州傳  
不載其爲祕閣修撰當是略也是年金兵破晉絳重  
度不能守開門縱州人使出自以殘兵數百守城金  
兵疑其有備不渡河而返尋擢天章閣待制卽其時  
事矣後爲京兆府路經略制置使爲金將婁室所攻  
城陷殉節攷欽宗本紀金破晉絳乃是年九十兩月  
事也婁室破末興軍乃高宗建炎二年正月事也重  
在同州繪公圖像刻置祠堂是其忠義之氣根于天  
性觀此圖者不特使真卿英靈千載不沫重之氣節  
亦於是乎可見矣

關中金  
石志

按此碑据魯公年譜以爲興元元年書据魯公碑  
銘云興元元年八月三日薨于蔡州之難行狀云  
貞元元年八月二十四日希烈幽殺之新唐書本  
傳不書薨日舊傳則云興元元年八月三日與碑  
銘同公之奉使新書本紀及傳皆不書年月舊書  
本紀特書建中四年正月庚寅李希烈陷汝州甲  
午遣顏真卿宣慰李希烈軍是希烈之陷汝真卿  
之奉使皆在建中四年唐重以陷汝州在建中元  
年關中金石記以奉使在興元元年皆誤也兩書  
傳載真卿先爲袁傖所排次爲楊炎所惡最後爲

盧杞所忌數遣人問方鎮所便將出之會李希烈陷汝州杞乃奏顏真卿四方所信使諭之可不勞師旅上從之李勉密表固留又遣逆于路不及至河南河南尹鄭叔則勸不行荅曰君命可避乎既見希烈宣詔旨就館希烈逼使上疏雪已真卿不從每與諸子書但戒嚴奉家廟恆諸孤訖無它語希烈屢遣人或說或脅皆怒叱之乃拘真卿守以甲士掘方丈坎於廷傳將坑之真卿曰死生分矣何多爲張伯儀敗齊旌節首級至真卿慟哭投地會其黨周曾康秀林等謀襲希烈奉真卿爲帥事

洩曾死拘送真卿蔡州龍興寺真卿度必死乃作遺表自爲墓誌祭文指寢室西壁下曰此吾殯所也興元後王師復振賊慮變遣將辛景臻安華至真卿所益殺之真卿之書此帖當卽與作遺表墓誌祭文同時真卿前以直道取忌于小人後以忠貞被拘于逆賊所遇之境艱苦備嘗千磨百折而不變節帖中所謂中心悵悵始終不改游于波濤宜得斯報數年中情事盡在此四語中後人可以想見也傳載真卿被害在興元元年王師復振之後則其書此帖自在興元以前旣不能確定其時

祗可系于被害之年

吳嶽祠堂記

碑高六尺一寸廣二尺七寸二十一行行  
二十六字行書篆額在隴州西鎮吳山廡

將仕郎行太子正字□□冷朝陽書

唐興元元年十月十一日國之元輔鳳翔隴右□原四  
鎮北庭兼管內副元帥司徒兼中書令西平郡王李公  
晟有事于 吳山之祠虎暢前驅烏隼之族昇降林嶺  
不嚙不呼紫雲拊嵐以屆于祠下公遂以 神之□□  
告于座客□□忝備賓佐管文記之任操觚染翰恭而  
書之初相國涼公鎮鳳翔□常以中軍委□□□□名



橫軼倫伍大興四年屬天降災冰不再踰時土山方焦大水成陸封內山鎮分官禱祈命公禱于吳山公於是氣肅體虔桂酒瓊筵公告神以災沕神饗公之吉錫明能通幽口在俄頃雲油雨霈霖霏優渥沃瘠膏口口私必濡既皂且房歲口大熱遽口起口人咸異之由是公心有所奉動符其應招神戶卅人供灑掃之事其後杖王命提偏師救亂于曷陞勦戎于邛樊曾不踰時弔弓反旆繼以叛將擁衆兩河釋騷公鼓行而東且討且援洹水盡敵魏檣制勝兵未及而趙北國解氣有餘而清苑凱旋壁渭川則殷若長城復皇都則口

如破竹冥符幽贊於是乎在無何優 詔拜公上公極  
人臣之寵且以西門之務委焉公本之禮經山在封內  
者得崇祀典况 吳山德於我乎具以 上聞特

請褒異 詔使中使孟希价持兪賜神錦袍金帶夫人  
花冠等煇耀祠宇發揚幽昧山鎮之秩口于方岳矣徵  
諸故事當開元廿八年 詔使正議大夫內常侍竇元  
禮賜食致祭至天寶八年哥舒翰拔石堡破蕃蠻封

神爲成德公至德乾元之間累有喪口口爲 天嶽王  
則神之宣力有自來矣人或以公曩之感神駭于視聽  
公異以爲 吳嶽者含蓄雲雨蟠厚地而柱蒼旻天地

之山也李公持顛定傾蘇羣生而戴天子社稷之山也與夫高嶽巨鎮均功並用盼壘氣合何其性哉鍾鼓樂之苾芬薦之人神欣欣旣晝斯夕且矣山之廣袤載于方志略而不述所述者公之威通與其年月敢學舊史實而無華掌書記朝散大夫殿中侍御史內供奉子公異奉命爲記

按唐書是年五月二十八日副元帥李晟復京師七月十三日德宗至自興元八月晟至鳳翔斬叛卒王斌等及涇帥田希鑒此則以其年之十一月祭告吳山而掌書記子公異爲此文也碑中所云相國涼公

銅鳳翔者李抱玉也

金石文  
字記

右記于公異撰冷朝陽書爲李西平于興元元年十月有事吳山而作也按展傳德宗遣張少宏口詔進展尙書左僕射同中書門下平章事此記云鳳翔隴右涇原四鎮北庭兼管內副元帥司徒中書令西平郡王而不以僕射平章入銜豈叙後之官爵略前所加而不書耶抑進至三公則解僕射平章耶唐制率以僕射平章遙授藩鎮殆爲虛名展拜鳳翔則爲節度以中書令出鎮與僕射平章迥別矣舊書兼鳳翔尹新書遺四鎮北庭皆當以碑爲正記又追述李抱

玉鎮鳳翔日以中軍委晟禱嶽雨降今晟亦鎮鳳翔  
復舉祠事文筆之工只三四語盡西平偉績通鑑載  
公異草露布至梁州上覽之感涕卽其人也朝陽書  
道媚可愛非俗手可及

金石錄補

按吳嶽卽西鎮周禮雍州其山鎮曰嶽山孫炎曰  
雍州鎮有吳嶽山亦名吳山水經注泝水發南山  
西側俗以此山爲吳山山海經吳山三峯秀出雲  
霄山頂相揖望之常有落勢漢書地理志右扶風  
泝縣吳山在西古文以爲泝山唐書地理志隴州  
吳山縣本長蛇縣貞觀元年更有西鎮吳山祠

陝西通志西鎮吳山廟在隴州南七十里吳嶽山  
下唐李晟鎮鳳翔時旱禱雨應有侍御史內供奉  
于公異記卽謂此碑也禱雨事是李抱玉非李晟  
通志失檢隋書禮儀志開皇十六年正月准西鎮  
吳山造神廟此建廟之始也冊府元龜天寶十載  
正月封吳山爲成德公二月己亥遣大理少卿李  
楨祭吳嶽山成德公至德二年二月帝在鳳翔改  
汧陽郡吳山爲西嶽增秩以祈靈助此封祀之始  
也舊唐書元宗紀天寶十載但載正月癸丑遣祭  
嶽瀆海鎮而不書封吳山神事惟文獻通考載天

寶十載封嶽山爲成德公其八載但云九州鎮山  
除入諸嶽外並宜封公而無封吳山成德公之文  
此碑云天寶八年哥舒翰拔石堡破蕃蠻封神爲  
成德公据唐書紀傳翰之拔石堡是八載六月事  
若因翰戰功而封吳山神又不應在正月是諸書  
與碑抵牾未能明也碑又云至德乾元之間累有  
褒口口爲天嶽王通考但云至德二載勅吳山宜  
改爲吳嶽祠享官屬並準五嶽故事不云封天嶽  
王也此碑紀興元元年十月十一日李晟祠吳山  
之事展銜云鳳翔隴右口原四鎮北庭兼管內副

元帥司徒兼中書令西平郡王據舊唐書本傳此  
銜乃興元元年六月七月兩次所加其尚書左僕  
射同中書門下平章事乃正月所授至三月又加  
檢校右僕射兼河中尹河中晉絳慈隰節度使又  
兼京畿渭北邠坊丹延節度招討使至四月又加  
京畿渭北邠坊商華兵馬副元帥碑皆不爲叙入  
蓋晟時在鳳翔則叙鳳翔之新銜其前銜自不槩  
叙金石後錄未及審也碑云相國涼公常以中軍  
云云舊傳云大歷初李抱玉鎮鳳翔署李晟爲右  
軍都將今碑作中軍似當從碑碑云救亂蜀陞翦



戎功熒是德宗卽位之初吐蕃寇劔南晟將神策  
兵往救因畱成都數月事碑云叛將擁衆兩河釋  
騷云云卽田悅王武俊等魏州趙州之戰及勤王  
退賊收復京城等事碑與傳皆合傳稱興元元年  
七月德宗至京師晟亦入朝賜里第田園女樂鼓  
吹紀功勒碑尋兼鳳翔尹蓋自復至鳳翔至是乃  
有祠吳山之事也舊傳稱晟字良器隴右臨洮人  
新傳作洮州臨潭人攷唐書地理志洮州臨洮郡  
屬隴右道州有美相縣貞觀四年徙治洪河城以  
故地置旭州五年又置臨潭縣八年廢旭州以臨

潭屬洮州是兩傳籍異而實同也撰記者于公異  
兩唐書傳公異吳人文章精拔建中末爲李晟招  
討府掌書記興元元年收京城公異爲露布上行  
在德宗覽之泣下旣而曰不知誰爲之或對曰于  
公異之詞也上稱善久之通鑑載其事語蓋本此  
碑叙其官階朝散大夫殿中侍御史內供奉兩傳  
皆略書者冷朝陽兩書無傳惟李嘉祐有送冷朝  
陽及第歸江寧詩知其爲江寧人

### 大岷山銘

石橫廣五尺八寸五分高三尺二寸五分三十  
四行行字數十八至二十四不等行書在涪縣

大岷山銘

并序

判官相州司戶叅軍李沛撰

攝口陽縣令陳口卿書

巨唐興元末下 詔徵天下兵將大有事於惟西遲速  
等口於是焉在 我魏博節度使工部尚書御史大夫  
駙馬都尉田公選百金之士馬步五千悉甲而遣委銀  
青光祿大夫試殿中監兼御史中丞符公愬之伯貞元  
元年春一月畢會于大梁久之未進以其年冬十有一  
月口都統檢校司空同中書門下平章事懷德郡王汴  
宋節度劉公申令諸軍曰元兇李希烈口日爲惡罔口

○天流毒淮右以逆亂干 神器以暴殄錯○命罪浮  
于○禍于覆宗 上以德柔之以仁綏之如豺如  
狼○廼心蓋不得已而至于用兵猶尙盤桓伺其間  
○然後將○天威勗尔有衆尔所不勗其於尔躬有  
罪 公由是夙夜祗懼恭行 明命長○野○  
○次於許之扶溝○而守○之以碓戟勁弩堅  
之以深溝高壘○追誨○及負芒刺于  
背○戰慄于○常○外虞不違內事二年夏四月○  
○變霜刃○發身分蔡下首懸藁街浹辰之間天下如  
金同文○規○夷一貫雖虞格有苗軒庭詠鹿 ○

者之師□□□不是過也五月有 詔會大梁洪班  
賞勞以還師餼酒淮海金帛山積既醉而凱歌者動  
以萬計事畢□□□轅□□□□□□□屯大岷洗  
兵刷馬示以無事卷旗虹藏□□□伏□□□□□  
□□馬援南征建標於銅柱衛□北伐勒石於燕然安  
□厠於昔賢□多□於茂實顧謂沛曰此 皇上之威  
德□□座之不續無述可乎沛從軍□年備□□□敢  
不如命刊石立銘

□□□春□□藏□□□□□□□山裂壤□  
□猖狂地所不載天其□亡 皇赫斯怒□樂萬方徵

兵諸侯出師勦口殫我口司翼尔鷹揚朝渡孟津夕次  
大梁深溝口右高壘頽陽有心無戰神口乃殛向化者  
口覆宗者賊宇宙口一軍書同則振旅闕闕全軍口口  
昔我往矣口口口口今我來思口勳銘山山口口口河  
流口口垂口口口口此河石

碑爲平李希烈銘功之詞劉昫唐書德宗本紀云興  
元元年十一月癸卯宋亳節度使劉洽與曲環破希  
烈之衆於陳州俘斬三萬級生擒賊將翟崇暉以獻  
戊午劉洽大破希烈之衆擒其僞相鄭賁等五人以  
獻希烈遁歸蔡州汴州平碑所云大都統檢校司空

同中書門下平章事懷德郡王沐宋節度劉公卽洽也碑又云二年夏四月同賊口變霜刃口發身分祭下首懸藁街又云五月有詔會大梁洪班賞勞以還師卽指李希烈爲其牙將陳仙奇所殺并誅其妻子仙奇以淮西歸順之事亦與史合

中州金石記

按大岷山禹貢作伾史記作邳禹貢東過洛汭至于大伾傳曰山再成曰伾爾雅釋山云再成英一成岷李巡曰山再重曰英一重曰岷書傳與爾雅不同蓋所見異也禹貢雖指薛士龍曰大伾山許慎說今黎陽之黎山今按岷師二字說文俱無伾

字下引詩以車伾伾坏字下云邱再成者與孔傳同並無薛所稱語慎有五經異義或出其中水經注有兩大伾山其云又東逕大伾下又東合汜水者此大伾山在汜水縣西一里非禹貢之大伾其云又東北至濬縣西南古宿胥口大伾山在其東北其南岸則滑縣者乃禹貢之大伾卽此碑所稱大伾山也濬縣在大名府西南一百八十里今屬河南衛輝府河南通志云山在濬縣東南二里卽今碑所在也碑撰書人俱無攷劉洽兩唐書亦無傳惟于德宗紀興元元年十一月書劉洽破希烈



之事但舊紀稱洽爲宋亳節度使新紀略其官惟  
于正月戊戌書劉洽爲汴滑宋亳都統副使三月  
丁酉書劉洽權知汴滑宋亳都統兵馬事舊紀並  
略之碑云魏博節度使工部尙書御史大夫駙馬  
都尉田公卽田緒也舊唐書德宗紀興元元年四  
月己巳魏博行軍司馬田緒殺其帥田悅詔緒爲  
魏州長史魏博節度觀察使新唐書田承嗣傳云  
田悅早孤母更嫁平虜戍卒悅隨母轉側淄青間  
承嗣得魏訪獲之委以號令裁處皆與承同意合  
及長命悅知節度事帝因詔悅爲節度使後乃更

議如七國故事悅國號魏僭稱魏王阻兵凡四年  
狂悖少謀從弟緒手刺殺之緒字緒承嗣第六子  
下令軍中曰我先王子能立我者賞衆推緒爲副  
後詔卽拜緒節度使貞元元年以嘉誠公主降緒  
拜駙馬都尉李希烈平以功賜一子八品官碑所  
載緒官紀傳皆略之碑云銀青光祿大夫試殿中  
監兼御史中丞苻公卽苻璘也舊書傳苻璘者田  
悅之將初馬燧李抱真李芄等破田悅于洹水燧  
等進屯魏州時悅與李納會于濮陽因請助兵納  
分麾下數千隨之至是納爲河南諸軍所逼徵兵

于悅悅遣璘將三百騎護送之納兵旣歸遂悉其  
衆降于燧遷璘試太子詹事兼御史中丞封義陽  
郡王但据傳則璘爲田悅率兵赴濮州非爲田緒  
璘之官御史中丞是馬燧所遷亦非緒所授與碑  
異也碑云二年五月詔會大梁賞勞還師此事不  
見于本紀破希烈之功李晟爲最著劉洽率兵盤  
桓日久僅止拒守扶溝間有俘獲大都曲環之績  
爲多至希烈之誅假手牙將陳仙竒並非兵力所  
致則洽亦無大功可錄宜乎史不爲立傳而李沛  
乃勒銘大岷比于銅柱燕然幕官喜諛若此可歎

也碑無歲月當卽是貞元二年五月

張延賞碑

碑高九尺三寸廣約四尺二十五行行六十字隸書篆額在偃師縣經周寨

唐故贈太保張公神道碑

□□□□銀青光祿大夫□尙書戶部□郎下

貞元三年秋七月壬申丞相張□薨于位冬十月乙酉

□□于下□其□□里嗚呼往□□□哀可極□歿□

□□□□□□諱□□字延賞河下□□□□下□

部尙書中書令□□□□都督諡曰恭肅□輔

□□□開元之□□□□□□□□下臣器公而薦□

五十五卷之二  
四  
□□名寶符

穆宗召見奇之且思□□□□

□□□□解褐

下太師下深於知□□□歎異□□姻

好

下城邑下鎮北都公□□□兼□尹守□拜給事中

散

下節度下建中□□□輦轂駐 驛□

郊□□□□□□進封下時都邑下重□□故□□

□□□□□□□□□□下之望□□

□□□□總戎下心□功□下聽遠邇相□□□

之□時情所下弔賻有加 □□護喪事下□□

聞□下泣云尔太下□□繁□□□□□知禁德

禮下康□□□□如東周之禮其在荆楚下□愛成頌

皆因俗施政□□□□□□

下關其

叔山甫成中興之

業而□□□□

下關

若星□□□□山岳斯可謂

歿而不朽者□詩云□□□□

下關

備盡無□之孝遺令

薄葬布衣瓦器以終子志□□□□□□□□

下關

目所及

皆爲實錄其詳則

制詔□□□□□□及

下關

太保□氏□□□□□□軒轅□□□□□□

下關

□□

皇天太保嗣烈克光前

下關

厥□閭閻懷思周愛甘棠荆

淚空碑况

下關

內作將作官馬瞻刻字并模勒

右贈太保張延賞碑首云貞元三年秋七月壬申丞

相張公薨于位又云冬十月乙酉蓋其葬之日趙氏  
金石錄題爲貞元三年七月似未諦審其文矣文云  
太師又云歎異申以姻好謂苗晉卿以女妻之太師  
者晉卿贈官也後云祁國夫人太師其下剝落不可  
識祁國蓋延賞妻封号太師亦謂晉卿也前兩行曼  
滅不見撰書人姓名趙德甫謂趙贊撰歸登書登善  
分隸有名於貞元元和間延賞子宏靖碑亦登所書  
見於寶刻類編今不可得矣

潘研堂金石文跋尾

億按碑刻缺甚前人皆未收及近韓太初始訪得之  
其文略可成句有貞元三年秋七月丞相張公薨於

位與新唐書德宗紀宰相表並合又載公諱延賞字  
延賞按本傳延賞初名寶符賜名曰延賞今碑下截  
寶符字完好其云思恭肅之德錫茲嘉名卽其事也  
然傳不言字延賞又延賞生平歷官碑字僅可見有  
入拜給事中又有歷御史中丞證之史文亦不遺此  
惟碑云以公力竭誠追封魏國公則有所未及此亦  
足補史之疎也碑言遺令薄葬以布衣瓦器可謂儉  
而中禮者矣

饗師金石  
遺文記

按碑文約一千五百字今存者三百餘字賴標題  
有張公字文有延賞字知爲張延賞碑据金石錄



以此碑爲貞元三年趙贊撰歸登八分書趙贊無傳歸登舊唐書傳云字沖之吳人大歷七年舉孝廉高第貞元初復登賢良科歷遷工部尙書贈太子少保有文學工草隸此碑立于貞元三年是登舉賢良科時也寶刻類編載張延賞子宏靖碑亦登所書宏靖卒于長慶四年距書此碑又三十八年則登亦躋高年矣集古錄又載百巖大師懷暉碑歸登篆額則登工書不獨草隸也延賞爲嘉貞之子嘉貞官戶部尙書中書令益州長史都督詔恭肅今碑叙嘉貞官詔有泐字可據補也碑云鎮

北都公□□□兼□尹守□拜給事中散

下鎮北

都者王思禮也思禮請爲從事延賞遂爲太原少  
尹兼行軍司馬北都副留守代宗幸陝除給事中  
碑有散字或是散騎常侍然兩傳皆無此官碑云  
建中□□□輦轂駐蹕□郊傳稱建中末駕在山  
南延賞貢奉供億頗竭忠力碑之所見可參攷者  
祇此餘俱詳兩書傳中又延賞與父嘉貞子宏靖  
曾孫彥遠累世皆有書名書譜並載之彥遠法書  
要錄序稱曾祖少稟師訓妙合鍾張尺牘尤爲合  
作此碑旣缺泐而本傳但稱其博涉經史而已不

云工書也因附識之

金石萃編卷一百二終